

靈寶領教濟度金書卷之二十七



靈寶領教濟度金書卷之二百二十七 愛二

洞微高士開光救苦真人竊金真授

靈寶通玄弘教水南先生林靈真編

科儀立成品

傳度齋用

弟子謝恩醮

步虛

各禮師存念如法

宣衛靈呪

玄陰七靈 九炁合形 蒐精蒐爽 二景回輪

飛光赫奕 煥耀長春 日月吐暉 回合華英

大梵流布 奔飛火鈴 魔王受事 朝謁帝京
含靈普降 廣惠幽明 玉文敷告 萬炁騰升
和與道合真

鳴法鼓二十四通

無上三天言元始三炁太上老君召出臣身

受二

中三五功曹左右官使者侍香金童傳言玉
女五帝直符直日香官各三十二人出出者
嚴裝關啓玄壇天帝神君當召此間土地里
域真官正神急上關啓臣今奉為入意以今
設醮行道願得

玉清道炁靈寶妙光下降流入臣等身中即
使玄壇清淨內外成真天無氛穢地絕妖塵
琳琅振響十方肅清萬魔不干真誠上徹令
臣所啓速達徑御

太上無極大道至真玉皇上帝

御前

請稱法位

新授

具位臣某謹同誠上啓

太上無極大道虛无自然元始天尊玉宸道
君靈寶天尊太上老君道德天尊昊天玉皇
上帝南極天皇上帝北極紫微大帝南極長

生大帝東極青華大帝后土皇地祇大羅法
界群真日月星斗上聖三元三官大帝北極
四聖真君傳科演派宗師歷代侍宸仙衆雷
霆官將法部威靈三界萬靈一切真宰臣聞
清微啓運道輝煥於三乘赤明開圖教昭回

愛二

二

於十極翼天寶而玄雲流演敷帝化而德雨
涵濡聖聖心傳玉笈遡根源之奧真真口授
瓊章披枝派之長庶化育於玄黃庸哉成於
經緯臣宿生慶幸欣際清明元聖鑒觀幸佩
希夷之寶策明師傳授喜承玄妙之瓊章曾

由息光俯提愚昧輒奉蘋蘩之禮少摠葵藿
之忱伏望羽葆前驅列旌旄而戒蹕瓊輪後
擁羅幢蓋以臨軒九光之風駟俱臨八會之
雲龍普集均沾勝晏式御芳筵臣不勝懇禱
之至謹當奏請

請聖

初獻

具位臣某謹重誠上啓

三清上聖十極高真玄虛之主宰仙僚洞府
之神靈主執三界內外一切聖衆臣聞八威
龍文彰芝圖於混洞九霄鳳翥定藥簡於鴻

濛下提瀛海之蒐靈上御雲霄之真宰風舒
霞卷凝碧落以徘徊玉鏤金裁藏紫微而翊
衛啓妙劫周於四萬叅玄期衍於七千律戒
輕觀科彰密授臣以王靈孕粹五炁凝精荷
覆載之流形感照臨之耀彩慙無功德悠悠

變二

三

虛老於駒陰徒積愆尤役役俯同於兔逐願
回光而御炁期息影以留神稽首真師皈心
正法仰荷提攜之造庸施傳度之恩將帥吏
兵極班聯而策役經籙法部罄囊篋以宣傳
雖施爲曲荷於師恩而提獎亶由於帝力珠

環誠罄不勝激切之忱瓊玖辭殫庸致慙懃
之謝具嚴表櫛謹用宣陳

宣表

表文敷露淵鑒昭回顧惟庸昧之資僭膺承
宣之寄俯躬三省懼魔試之侵凌察已九思
慮塵氛之雜龔或七世之冤憎未釋或三生
之罪咎難清易障善功曷臻福慶所冀天心
簡在聖力扶搖憐其乍入玄門錫靈光而委
照鑒其初修真路流道炁以彌羅頒鶴赦而
宿垢冰清降鴻恩而積愆雲散俾身心之玉

潔令榮衛之金澄冠難不侵福德立降傳經
演教流芳派於九圍學道修真揚真名於八
極皈依切切采矚皇皇臣無任懇切之至稽
首致恭禮行亞獻

亞獻

臣聞四雌五雄至道夙臻於微妙七經八緯
玄功允極於希夷煥乎六甲之鸞書至矣三
皇之鳳策開天制地敕法雨以周回反陰還
陽振靈風而激越派分元始義貫虛皇重念
臣領教心勤學真志切螭坳綴武莫隨玉筍

之班龍宸承顏願錫翠騫之蔭仰乞虛皇教
主妙有法王宣將帥以聽駿犇勅吏兵以隨
召制飛登奔御騰駕景之玄功存思誦修策
凌霄之逸軌扣虎關而陽神肆觀開犴室而
陰識飛遷地癘天災毋侵凌於黔庶陰魔陽
魅免肆暴於黎元祖玄證朱火之圖師友列
青華之籍今臣修持有感召役無違八百功
圓早證虛靈之妙三千行滿疾收冲澹之玄
俱證無爲永超有漏臣敢不仰承帝命俯軫
師言進毋沉於威儀矢心證誓退勿違於俯

仰勵志修盟結友志篤於金蘭為朋心期於
冰蘖紹隆祖日誓濟美而企前修誕振宗風
願流芳而提後覺庶報生成之德庸殫寅亮
之仁六甲臨旁倘叛岱溟之重約三辰在上
曷逃誓鉞之深文合衆聖以質臨會萬靈而
委鑒芳騰瑤鼎依稀騰鈞樂之音香藹金篝
縹緲振寶花之影恪殫誠於三獻庸致敬於
一忱頓首虔恭酒陳終獻

終獻

臣聞至敬無文仰事天之妙密大禮必簡昭

饗帝之崇嚴以茅茨不剪之真致黍稷非馨
之奉昭昭臨上恪冀詢堯翼翼質旁諒垂采
菲以今敷陳禮罄薦獻誠周月澹河澄覺霄
聲之轉午參橫斗轉欣夜氣之將中蘭煙隱
隱於金爐芝燼微微於玉炬三真振蹕萬聖

愛二

五

回轅綠輦丹輿已在玄虛之表瓊輪羽蓋行
收碧落之中綵仗後先紫煙上下臣等躬辭
聖陞跡履塵關追法從以無由企晨華而有
耀運元會道倘收混合之功入妙凝真永晏
飛奔之樂臣不勝攀戀之至瞻望雲霄一心

奉送

送聖
回輶頌

化財
向來

審奏祖師官將醮儀

傳度齋用

步虛
洒淨

各稱法位

具位嗣法弟子姓某謹焚香供養

三天化主玄中大法師靜老天尊三天大聖
都天大法師六合無窮高明大帝上清玄一
寶輦真人玉輿真人綠輿真人太極太虛真

人太極左仙翁冲應真人上清朱陽真人祖
師某宗師某經師某籍師某度師某先生玉
清靈虛宮靈寶天仙內院諸部仙靈官吏法
錄治職神負仗此寶香普伸供養伏以龍漢
開圖七部未分於天上鶴鳴御運三乘遂衍
於人間大哉靈寶之淵至矣玄元之捷黍珠
凝妙清微照夜以開幽騫翠流華黃混垂晨
而濟顯下仙莫覩上士堪聞今弟子夙植福
基欣逢道運致肘步膝行之敬殫心剗膽瀝
之恭願膺口授之真期暢心傳之的茲伸交

度盍罄敷陳所冀風駕翩翩泛玄虛而涖止
雲輿縹緲御碧落以來臨會省府院司之仙
靈與官君將吏之真聖普聆丹禱均集玄壇
其不勝懇切之至奉迎師駕

請聖

初獻

愛二

六

焚香上啓本派師尊所部官吏伏以教出始
青萬劫流華於祖日科尊大赤千齡挺秀於
宗風前脩開玉笈之英後覺紹金囊之妙燈
燈續燄上燮理於天工葉葉傳芳下裁成於
地紀欽惟靈寶實幹樞機宣德承符玄運聿

開於俊士傳道授業昌期端付於竒民今第
子夙稟微資久參大法昔年庸敬若未究於
希夷今日協恭期頓膺於玄妙淪塵潔已證
誓澄身積勲行於方來謝愆尤於既往顧惟
愚昧夙荷陶成自大洞以至地祇龍章悉覩
由畢道以及天詔鸞篆咸瞻獨於五法之傳
獲造一得之授九思補過敢好爲師三省立
功盍傳至道况聖緒僭聯於西閩而真源幸
忝於東華立雪勤渠難忘皈向朔風激切庸
爲參傳兼靈虛仙派之崇極空洞真班之貴

分撥香火端在今辰交度將兵奚假他日故
秩无文之禮祈宥有造之恩伏望師寶提攜
真慈矜憫鑒弟子皈神之切察鬼神精命之
勤錫以靈光被以莫炁俾恪遵於舊律為宏
暢於新儀白簡茭龍按女青之鬼律朱函驛
馬遵空碧之神章三天策陽景之騰九地辟
陰魔之試化敷遐邇績布古今俾紹續於前
聞庶獎提於後進悉依洪蔭昭錫玄恩某不
勝懇切之至酒陳亞獻

愛二

七

亞獻

焚香上啓本派師尊所部官吏伏以金闕崇
嚴三省典憲章之要玉臺峻極諸司聯經緯
之權修文則真聖仙靈振武則帥將神吏各
嚴部伍共揚化育之仁齊領編裨庸粹生成
之德欽惟聖武夙蘊靈威蟬聯輝耀日之班
魚貫奮嘶風之隊聰明睿智坐綠幕而濟度
八紘忠勇英豪張玄幃而裁成六合力摧山
嶽炁壓陵河鉦鉞連天擲流金於碧漢旌旗
曳地奮飛火於黃垓上扶紫極之洪恩下布
玄虛之深惠今弟子欽承惠眷進陟真階再

扣虎豹之關希降龍鸞之縛丹封朝奏詳敷
惠下之辭紫詔夕頒恪鑒由中之懇重行差
撥俾左宣揚茲伸交度之儀章先輅師資之
明證所冀營衛香火斥絕試魔採御飛奔爲
通誠而騰景超凌升度即達悃以登真息靈

魅魍魎之姦妖絕鬼恠精靈之變化爲人爲
已彰神應以星輝度死度生揚靈通而日燦
流真名於今古振芳譽於邇遐弟子某敢不
傾素修持攄丹精進同德佐理敢忘言功遷
賞之勤協力一心佇見進秩陞班之正恪希

鑒曠不負忱恂某不勝懇切之至

弟子東立面西師西立面東啓祝

靈寶大法濟度真文祕藏紫微四萬劫而一

傳下世衛嚴碧落七千年而三授至人惟擇

賢則必傳而非人則勿示金科錯落玄律昭

愛二

八

彰我以真運天開聖基日授學真領教以久

玷於玄班濟存度亡幸昭承於紫澤山林適

意朝市何心爾久列靈虛獲膺職任慮正傳

之未備希審奏以求全激切賤忱已塵淵聽

從容授戒宜備宣傳第惟授受之初已佩師

資之訓不宜重復懼滓聽聞今惟策役仙靈

交撥將吏各宜整肅恭演彛章

謹乃靈寶大法司云云各宜分形化景嚴裝

顯服隨香火交撥前往弟子某靖治之中如

律公參合駐劄者永遠駐劄輔佐行持非駐

劄者公參畢即回所司聞召即至同心贊化

一如靈寶玄壇律令

弟子某自今交撥之後所宜精勤存念勉勵

誦收以濟物利人憲天弘道期恪遵於玄律為

贊於洪樞別俟功圓行膺真授

終獻

某上啓本派師尊所部官吏以今交度禮聲
薦獻誠周顧惟塵境之糾紛難挽真游之曲
駐伏望鳳輶月駕即返虛无雲馭煙驂如旋
寥廓某等无從控挽惟劇瞻馳謹稽首再拜

卷二

九

奉送

回輶頌

聖德頌

向來

靈寶領教濟度金書卷之二百二十七

共計

